

豐城縣志卷二十二

藝文錄下目錄 詩類

五古

豐城劍 李白

雜詠 王季友

寶劍詩 吳均

劍池驛 權德輿

劍池 孫復

寶劍 蘇轍

寶氣亭 黃庭堅

景福院 黃執中

登羅山 吳虎臣

徐孺子讀書臺分得高字 孫素

胡文定墨池分得風字 孫素  
發曲江磯山樓亭 李夢陽

豐城縣志 卷二十一

藝文 目錄

龍山書院訓勉 鄒守益

遊梅仙山 宋儀望

舟過豐城 施閏章

月夜泊舟曲江 諶名臣

三賢祠 查慎行

新堤告成志喜 盛逢瀾

文明塔 李吐萼

讀豐城縣志得六十四韻東同門唐萃亭兼寄志局諸

君子 賴晉

遊櫛山 袁潛

觀于舍人壁畫山水 王季友

寶劍篇 郭元振

可歎 杜甫

宿東溪李十五山亭 王季友

發豐城縣 陸游

遊曲江分韻得月字 姚勉

劍江驛樓 吳澄

劍江驛樓 熊朋來

月夜登曲江樓識別諸君子 袁懋謙

劍迹 胡之旌 遊感山海慧寺 高岑

遊龍光書院 甘興仁

四言

雲澗三章贈毛霆甫 文天祥 白蓮詩 揭傒斯

歌行

梅仙觀 馬子才 孝子行 查居廣

密泉篇 胡學浹 大水歌 熊履廷

五律

豐城縣志 卷三十一 藝文 目錄 二

經豐城劍池 陰鏗 送豐城王少府 楊炯

寶劍詩 崔融 復過盛家洲 朱子

同溫如竹國舟中晚眺 朱子 過豐城作 朱子

龍霧洲雪 劉辰翁 望羅山 陶弼

清明登曲江亭閣 李夢陽 豐城夜泊 李夢陽

兩泊豐城 李夢陽 遊東門白雲寺 羅洪先

望羅山 陸應箕

登磯上樓同傳敬初分賦 黃汝亨

寶氣樓燕集 邱士毅

遊白雲寺和羅念庵韻 李維喬

藥湖 徐日德

東門白雲寺次羅念庵韻 胡學浹

劍池 王舟瑤

遊蓮湖 熊儕鶴

遊龍山 熊字鶴

梅仙壇 陸履敬

暮春遊海慧寺宿洞明寒碧軒 二首 李予璋

宿豐城訪徐古皇同年 李紱 金花潭 王士禎

豐城曲江亭 王士禎 水草園 二首 張師賢

高原 杜名世 劍池次陰鏗韻 周林德

孤山 夏汝祺 登三角山 劉啟江

訪寶氣亭 唐鍾毓 過海嵐寺 甘紱

豐城縣志

卷三十二

藝文 目錄

三

登香山閣贈無學上人 熊履廷

過仙姑嶺 袁潛

五絕

感山寺雜咏 三首 姚勉

過豐城訪肇慶守黃瑩之 陳獻章

登仙壇 胡之姓 小石山 周林德

七律

寶劍詩 李羣玉 寶劍詩 陳陶

梅仙觀畱題道士楊智遠 蘇軾

寶劍詩 祖無擇 曲江亭 李義山

甘露臺 李義山

甘露臺 姚勉

華嚴院 黃彥平

海覺寺 李昂英

海覺寺次李文溪壁間韻 文天祥

滎塘煙雨 甘惟寅

堯峯西峙 揭傒斯

劍池夜月 甘惟寅

梅仙峯 危素

曲江觀漲咏懷 熊卓

過正法寺 楊子榮

密嶺晴嵐 涂善

遊感山寺 李裕

丹霞福地 孫日良

盛家洲書院 曹壽

烏石觀 鄔季生

遊感山寺 朱簾

曲江亭 范慶

挽史公安死難交趾 丁鉉

豐城縣志 卷三十一

藝文 目錄 四

題龔公樓 韓雍

豐城阻風 王守仁

重登黃埠腦 王守仁

堯山 張鏊

迴瀾閣同陸池山觀濤 涂鉉

月夜登曲江亭餞人之京 李貴

感山寺和江惟化韻 徐袞 冬日遊感山 雷暎

登曲江亭同劉兌陽 李啟美

過始豐山觀劉海蟾真跡 陸應箕

遊感山 湯兆京 劍池 邱士毅

遊曲江從盧使君夫子 楊惟休

紫府觀 陸元衡 龍山秋望 文可紀

瀚樓新成陪宗明府登覽 黃叔鉉

密嶺 杜日讓

竹林庵次韻 黃炳召

讀鄧武橋先生橫戈集 熊履廷

桃花巖 熊履廷

遊龍山并至感山寺 袁孔邇 登曲江文昌閣 丁序琪

和吳邑侯遊感山 丁霈 過感山寺 盛逢瀾

和黃質昭遊儲山 游方震

春日過瓘山訪熊效先州丞壽先文學遊斗門福地旋

憇綠野別墅即景漫賦 游方震

送家馭麟叔掌教龍山書院 甘興仁

豐城縣志

卷三十一

藝文 目錄 五

秋過感山 徐文弼

龍頭山登高 朱霞

遊正悟寺題壁 楊其諱

七絕

羅山徵君隱居 曹鄴

梅仙觀 孟賓于

梅仙壇 吳大防

梅先生故居 黃庭堅

過豐城 楊時

廣慈院 汪藻

寶氣亭 胡銓

訪盛溫如至盛家洲 朱子

經赤岡望遠山 朱子

次林擇之韻 朱子

盛家洲四景 盛燧

清都觀 于阜

感山寺探雪樵詩僧不遇入旃檀寮見几上有江南春

詩詢之爲眞半頭雖未識面亦合寄以詩 姚勉

白鶴觀 白玉蟾

詩書閣 范仲武

梅仙壇 况志寧

過豐城 傅若金

烏石觀 強立

城南書屋 胡儼

金墉朝陽 孫日恭

過豐城 劉同升

泊龍頭山 史垂譽

楂村望超山 史萬育

鳳山口占 熊履廷

附錄

題始豐山仙林觀 三首 徐紹文

始豐山和句 三首 丁猷駿

豐城縣志 卷二十一 藝文 目錄 六

初秋遊飛旆山登樓遠眺 熊浩

泰氣嶺 歐陽勳

豐城縣志卷之二十二

藝文錄下

詩

五古

豐城劍

李白

寶劍雙蛟龍雪夜照芙蓉精光射天地雷騰不可衝  
去別金匣飛沉失相從風胡滅已久所以潛其鋒吳水  
深萬丈楚山邈千重雌雄終不隔神物會當逢

雜咏

王季友

採山仍採隱在水不在深持斧事遠遊固悲匠者心翳

豐城縣志

卷二十二

藝文下

一

翳青桐枝樵爨日所侵樵聲出巖壑四聽無知音豈謂  
鼎下薪當作堂上琴鳳鳥久不栖且與枳棘林

寶劍詩

吳均

我有一寶劍出自昆吾溪照人如照水切玉似切泥鏐  
邊霜凜凜匣上風淒淒寄語張公子何當來見攜

劍池驛

權德輿

龍劍昔未發泥沙相埋藏向非張茂先孰辨斗牛光神  
物不自達聖賢亦徬徨我行豐城野慷慨心內傷

劍池

孫復

寶劍埋豐城棄捐滅年禩初如雙龍蟄默默重淵底春

雷忽以驚駢首思奮起光氣干斗牛終夜顏色紫奇哉  
張茂先訪諸雷煥氏下取古獄中湛湛凝秋水精芒射  
人目利可斷犀兕我聞劍爲用非惟翫好爾仗以去奸  
邪提以振綱紀是時晉室中奸邪若排指荀勗及馮統  
巧舌相表裏荀顗亦其人聚首爲封豕同附賈公闔盛  
指南風美遂使五不可忽焉如西子晉室遽以危其亡  
可立俟因思荀勗徒未與犀兕比盡可血雄芒尸之向  
朝市劍兮旣不用華也竟何以宜乎不自免委身於螻  
螻是爲神物羞飄然失所指

寶劍

蘇轍

豐城縣志

卷二十二

藝文下

二

劍氣夜干斗精神初莫隔全身寄獄戶隱約還自得張  
雷彼知我勉爲汝一出腰間雜環佩亦能報之德凜凜  
天地間要非手中物躍入延平水三日飛霹靂出當乘  
風雷歸當卧泉石千年故穴在三嘆泉上客

寶氣亭

黃庭堅

豐城邑巖巘水種六萬戶石隄眠長虹輟棹日沉霧令  
君政有聲新亭延客步淚落世父碑心傾文饒賦憶昔  
兩神兵埋獄思武庫寒光射漢津兩賢紆一顧張公坂  
中台木拱孔章墓不能使兒嬉歲晚龍蛇去空餘寒泉  
泓因雨長蛙鮒鉛刀藏寶室萬世同此度



景福院

黃執中

娟娟竹影薄泱泱溪流淺風生秋意回野曠天容遠

登羅山

吳虎臣

兒時聞羅山窟穴居神仙念之每欲往終爲俗累牽茲  
辰復何夕風日媚晴暄偶與二三子徑來踐前言崎嶇  
陟岡澗峭嶺凌雲煙厓斷或如瀉坡平俄若川有泉何  
自來但覺聲涓涓縈紆若蛇走往往注山腹田徘徊一濯  
足入袖風翩翩俄登最高嶺中觀屋數椽嶙峋老石像  
摩挲不記年桃花破叢菅一笑爲嫣然石屏與翠壁擁  
從相後先物色恣觀覽萬盼滿眼前適問從遊人茲爲

豐城縣志

卷二十二

藝文下

三

第幾天不然何秀挺不與衆峯連長安在何許無乃落  
日邊十年苦搶攘戰血腥戈鋌誰知塵外客一壑能自  
專徜徉得此樂疑已飄飄然茲遊恐難再遲留不能旋  
如何林間月弄影明娟娟促歸良恨早正恐陵谷遷到  
家追悔甚誓將世務捐卻尋向來路跡斷難攀援春雨  
正蒙密澗水鳴潺湲夷猶不可尚媿爾無仙緣

徐孺子讀書臺分得高字

孫素

吾愛徐聘君沉冥乃人豪諸賢構黨禍皎皎雲鴻毛平  
生讀何書身隱名難逃故宅照湖水荒墳翳城蒿焉知  
此山中突兀書堂高

胡文定墨池分得風字

孫素

吾愛胡夫子抱道來逃空豈伊桃花源有此山泉蒙奏  
疏瀝肝膽春秋開盲聾當年起草處想見臨池工願爲  
池上草永懷君子風

發曲江磯山樓亭

李夢陽

纜舟金華潭遂陟岡山閣蹊徑阻紆鬱巖水光叅錯夏  
林一何清餘雨浙未落高覽景自異况值晚霽廓夕日  
明錦湍歸雲擁華薄近日山嶽蒼遠樹復岑崿曠蕩感  
寄遇俯仰嘆今昨不見往者悲而觀來者樂顧瞻大江  
流愈恨代謝速源湧竟誰禦謙守諒能曲所貴遺榮名

豐城縣志

卷二十一

藝文下

四

觀義願有勗

龍山書院訓勉

鄒守益

干將兩古劍石函閱幾年精光不可揜猶自動星躔况  
此剛大氣亘古本浩然驕吝一害之智并聚蛙蝸不有  
乾乾功龍德何由全淬劍亦有術學聖豈無傳

遊梅仙山

宋儀望

白雲在深山山深轉空翠古木凌飛煙叢竹亦森邃梅  
公隱何時漢道昔云季當其抗言時鼎鑊寧足畏一斤  
渺何所去作南昌尉茲山信趨曠盤鬱多佳氣幽棲亦  
何爲豈不以我貴一朝變姓名挂冠從此去新舊相太

息妻子不知處余亦骯髒人誤觸當時諱見機苦不早  
撫已有深媿永願謝塵緣長往從吾志

舟過豐城

施閨章

孤城暮蕭瑟北風一何寒飛沙捲宿莽饑鳶叫哀湍寶  
缺沉幽壤光騰雲漢間一朝剖石匣拂拭曜琅玕離爲  
兩雄飛合爲雙龍蟠神物竟安往顯晦邈無端虎豹今  
咆哮芙蓉氣凋殘鉛刀笑霜刃壯士多苦顏繞指夙懷  
挫倚牀終夜嘆起行看太白淚下空潺湲

月夜泊舟曲江

譙名臣

暮煙浩無際冷然太古色維舟傍石磯浮山攜滿月蒼

豐城縣志

卷二十二

藝文下

五

翠拂面來亂雲流不歇波光曲如環似爲月所窟瀉影  
入素潭奇氣徧林樾夜深村火微聞寂塵世絕端坐寤  
古人三賢誠一轍感慨北風生呼朋理雙楫

三賢祠

并序

查慎行

豐城縣北十里磯頭山上有曲江祠朱文公往還  
湖南時與李後林姚雪坡遊此後人因奉粟主以  
祀三賢詳見李崆峒祠記中今以韋武陽易後林  
者訛也

贛江西南來天矯北走龍到此乃東折磯頭扼其衝是  
名曰曲江形勢險且雄扁舟清夜詠倡自紫陽翁同時

李與姚杖履偕遊從三賢列祀典蔚爲名教宗世俗不  
好古變置靡所衷作詩糾繆誤兼以警盲聾

新堤告成志喜

盛逢瀾

地迥吳臯窪百谷衆流匯每值霖雨時瀰漫似瀛海田  
廬遍村落護衛恃堤在修圯苦無常綢繆仗賢宰今夏  
溪流漲懷襄及爽塏洪濤入城湧稽天勢危殆居舍魚  
鱉遊藻荇掛門根樓臺水面浮市中槩欸乃長吏恤民  
瘼引咎曰予罪繪陳鄭俠圖大吏甚嘉採須臾議修築  
急病不忍待策力收羣工趨事樂無怠經營出公帑民  
力喜不悔沿江興役車舊貫無妨改高厚尺寸間視前  
數加倍長虹撼巨浪夾岸聳崔嵬譬彼防敵兵深壁據  
堅壘萬姓慶安瀾比戶見樂愷懋哉功德垂足銘鼎與  
甬鋪張語難盡約畧珥筆載

文明塔

李吐萼

江城迤東南一塔標特兀故址析廣豐嶒嶒出窪澤緬  
迺規畫時精神獨橫截通府開鴻濛三令恥跋躐伐築  
異道謀湧地見山骨七級高于雲峭突莫能攝吁嗟各  
浮圖侈幻振氣結睠茲表文明倚天豁眉睫絕頂窺海  
東晴霞帶霏屑噴薄宵熊熊直欲斗光接柏塔連蕭疎  
猴尖並巖竄掠翠飛青遙巖崦俯一切翔影癡冥鴻棲

禽借風翻林陌生消泐碎激魚龍聳盤廻豐富流蒼茫  
入超忽郁郁數煙疇蓬蓬點沙凸萬象紛攢羅摩娑送  
雉堞平瞰寶氣樓下咽珠湖月宮墻相面臨鐘鏞發竦  
悅景仰還芝楹江山萃秀傑昔時坤樞鍾烝皇黜彪列  
樹立九霄崢藻華亦日揭隆然今具瞻得不破萎茶壯  
夫心與俱謾悵梯磴絕

讀豐城縣志得六十四韻柬同門唐萃亭兼寄志局

諸君子

賴晉

奕奕古豐城建安南州附卜食豐水西富城城已故今  
治遷永徽沿革經朝祚九野列分星南斗入幾度雙劍

豐城縣志

卷二十二

藝文下

七

嶽中騰卓哉張雷顧至今榮塘春石匣風雨暮東望讀  
書臺楮山足千古西過飛鴻嶺子眞餐清露羅山南境  
峙形勝跨吉撫神仙三十七始豐福地著龍頭北極臨  
曲江文瀾泝峩峩三賢祠風聲起沉痾四封名勝多齊  
諧謾參互誰遇浮邱翁王郭虛名付誰建黃金城吳臯  
傳謬誤爭懷孝感泉須辨吳王墓郊環十七鄉水種六  
萬戶山谷語窪突半湖田長洲起龍霧民氣戒囂凌里俗  
敦儒素人文崛起豪亮節光寰宇孺子漢高士知幾遠  
黨錮有唐王季友少陵極推慕煌煌趙宋興奎壁中天  
遇屈指百餘人名實森記註元首揭文安史家推獨步

儲才與正心兩言足施措前明朱閣學名震遼東成夢

裡編春秋述神歸心悟尚書十四人先瞻齒德具黃公宗載

學術正大傳徐公鐸土木忠肝吐丁公鉉黜幽惜人才李公裕

詭冒汰軍旅熊公繡儒林宗伊洛楊公廉征倭勲業樹李公遂

發奸拂貴臣喻公茂堅忠勤邀簡注雷公禮來復啓六箴李公璣

建文追廟耐范公謙援蜀功堪念熊公尚文微時神呵護邱公士毅

正色鋤權璫懋修聖學疏唐公大章或披宛委書蹲鴟能辨

芋或調寬猛懷赤子歸乳哺渠隍保障深饑民通哀籲

單車撫賊巢殊方伸勦捕不避交趾尾直將兇瑾忤慘

慘河陽驛荻花同贈賻桓桓鄧將軍朝鮮英魂塑理學

豐城縣志

卷二十一

藝文下

八

守先賢宮墻培正路勝國多偉人輝映扶桑馭繼起擴

芬芳昌熾符時數頻儲九鳳材不受山靈妒獨惜五水

驕能使波濤怒內窪外隆崩塌河神懼堤始永徽年

長虹巨水滸築埽首辛公一仰安瀾渡堤正而埽奇兵

法機宜布心計鬪馮夷未雨綢繆固豈無徐侍郎河防

操備豫豈無黃主簿身先夫役苦誰實敖家湖洲移苦

竹土滄桑幻化工錯綜有神務不吝內帑金慨念窮簷

賦蓄洩操遠謀衆中防暗蠹舊乘失陳因新書真楚楚

堤防溝洫篇凜然相勸諭雅健其素長刪盡閒字句同

室聚馬班鴻才自奔赴豐城過金城筆鋒神鼓鑄

遊櫛山 山在五坊距城八十餘里

袁潛

山高半入天日出雲未了攀援到雲中紆折尋古道峰  
頂豁然開卓立塵世表風聲無時無四顧失飛鳥不覺  
所歷高但見羣山小斜陽動歸思步步窮幽眇下山如  
入淵回首石壓腦歸來夢亦驚身猶在林杪

七古

觀于舍人壁畫山水

王季友

野人宿在人家少朝見此山謂山曉半壁仍棲嶺上雲  
開簾欲放洞中鳥獨坐長松是阿誰再三招手起來遲  
于公大笑向予說小弟丹青能爾爲

豐城縣志

卷二十一

藝文下

九

寶劍篇

郭元振

君不見昆吾鐵冶飛炎煙紅光紫氣俱赫然良工煅鍊  
經幾年鑄得寶劍名龍泉顏色如霜雪良工咨嗟嘆奇  
絕琉璃匣裏吐蓮花錯鏤金環生明月正逢天下無風  
塵幸得用防君子身精光黯黯青蛇色文章片片綠龜  
鱗非直結交遊俠子亦嘗親近英雄人何言中路遭棄  
捐零落漂淪古獄邊雖復沉埋無所用猶能夜夜氣衝  
天

可歎

杜甫

天上浮雲似白衣斯須改變如蒼狗古往今來共一時

人生萬事無不有近者抉眼去其夫河東女兒身姓柳  
丈夫正色動引經豐城客子王季友羣書萬卷常暗誦  
孝經一通看在手貧窮老瘦家賣履好事就之爲攜酒  
豫章太守高帝孫引爲賓客敬頗久聞道三年未曾語  
小心恐懼閉其口太守得之更不疑人生反復看已醜  
明月無瑕豈容易紫氣鬱鬱猶衝斗時危可仗真豪俊  
二人得置君側否太守頃者領山南邦人思之比父母  
王生早會拜顏色高山之外皆培塿用爲羲和天爲成  
用平水土地爲厚王也論道阻江湖李也疑丞曠前後  
死爲星辰終不滅致君堯舜焉肯朽吾輩碌碌飽飯行

豐城縣志

卷二十二

藝文下

十

風后力牧長迴首

宿東溪李十五山亭

王季友

上山下山入山谷谿中落日留我宿松石依依當主人  
主人不在意亦足名花出地雨重階絕頂平天一小齋  
本意由來是山水何用相逢話舊懷

發豐城縣

陸游

豐城古縣已再遷出郭十步江渺然冷雲四合欲下雪  
柔櫓數聲初放船孤村燈火照破驛客子何以娛今夕  
不辭金盃醉十分要開玉花深一尺

遊曲江分韻得月字

姚勉



曲江磯頭山翠律此景江南誇第一漁舟晚弄烟波開  
市樓春映晴嵐出擁輿寒吟入畫圖席地草飲成真率  
且叩山房僧榻眠再上山林待明月

劍江驛樓

舊曰寶氣亭  
今撤而爲樓

吳澄

雙龍飛去已千年斗間紫氣夜黯然却令往往來來客  
坐閱朝朝暮暮船天地與亭俱傳舍舊毀新成更代謝  
舊亭不見見新樓新樓誰作今州侯州侯温温廊廟姿  
三年蒞政民不威政成遺惠及賓旅又與江山發新趣  
昔舊今新新復舊劉郎去後何人冑樓新樓舊謾勞心  
江光山色只如今著我憑闌觀水際游目兩閒尋寶氣

豐城縣志

卷二十二

藝文下

十一

猗嗟世上無張雷有缺莫彈歸去來

劍江驛樓

熊朋來

人生南北幾驛亭相過豈復能忘情向來此地多經行  
往往所見如褒城眼中忽然此突兀飛薨射影魚龍驚  
我來欲續王粲賦今日何日霜初晴平沙雁寫落木瘦  
前山翠抹斜陽明何當爲我期張雷相與呼酒澆不平  
須臾劍氣天外橫但覺拍岸怒作波濤聲

月夜登曲江樓識別諸君子

袁懋謙

劍水逶迤通章水廻環屈曲限中吐沙如滿月月如沙  
樓臺倒影澄波裏扁舟幾日滯吳臯故人杯酒美遊遨

驚看素髮俄成嘆，忽洒新詩興益豪。此別相望才百里，  
吁嗟故人心尚爾。登樓遲月月，在尊四面江。光冷侵几  
酒，船次第江上來烹鮮。更盡掌中杯，今宵愛月愁分手。  
明月停雲獨上臺，臺上月如今夕好。人生一別一回老，  
蘭菊經秋惹恨多。雁鴻中夜傳霜早，非關離合易生悲。  
戀爾多情金屈卮，預想屋梁回夢日。轉見江樓對酒時，  
劍迹在密嶺 胡之姓

劍迹

在密嶺

胡之姓

鳥道逶迤白雲裏，就中一石平如砥。何人忘却古魚腸，  
千年共訝成秋水。到來猿鶴盡相疑，無數魚樵不敢指。  
我欲借君斬不平，苔花繡濕揮難起。

豐城縣志

卷二十二

藝文下

十二

遊感山海慧寺

時自章門  
放舟歸縣

高岑

滕王閣前夜放舟，逆流破浪乘清秋。風帆得勢如飛鳥，  
倏忽百里驚雙眸。明星漸沒風漸息，扁舟暫艤江邊洲。  
曉山一抹近在望，舍舟從陸窮其幽。我聞此地有勝蹟，  
雪坡遺韻猶風流。捭衣舉步過前嶺，霜風一片寒颼颼。  
境僻轉深疑無路，寺門兀立山之陬。循廊乍入萬籟寂，  
但聞啼鳥鳴鈎輈。山僧爲我作前導，松杉滿院陰雲稠。  
禪房那有塵可掃，杳然宴坐忘煩憂。量泉然火烹茗茗，  
清香滿泛山中甌。從容更爲作麥飯盤餐，筍蕨供頗周。  
迤西塔院亦勝地，又復邀我同過遊。千竿萬竿竹夾徑，

閒房半欹誰添修嗟我作吏僅一載風塵鞅掌無時休  
縱使未必俗徹骨對此山色徒增羞蕭然心跡忘去住  
回首頓覺浮生浮白日西下風更作舟子促歸不可留  
解纜鼓棹去轉疾晚鐘遙發聲悠悠城門半啟待歸客  
仰見涼月明當頭

遊龍光書院

甘興仁

龍光海內爭傳頌院落巍巍齊鹿洞紫陽去後幾百年  
想見風流千古韻我來湖北過滎塘訪勝拜瞻昔

素王學舍參差環羅列堂名心廣傍宮墻小齋低塚殊人  
境芳草無邊埋幽徑六經樓閣名空存遙遙劍池相掩

豐城縣志

卷二十一

藝文下

十三

映昔年掌教舊知名考古還須弔古人元有圭齋明匡  
嶽講席依然無俗塵几靜窓明動幽興萬籟清清聲相  
應幽篁隊裏奏笙簧都向毫端相答贈二十年來仰龍  
光今日夢魂方醒醒曰歸曰歸日已斜髣髴溪聲問鐘  
磬

四古

雲澗三章贈毛霆甫

文天祥

英英白雲在澗之瀆彼美人兮其德孔純 英英白雲  
在澗之阿彼美人兮其思孔多 白雲英英澗水泱泱  
彼美人兮碩大且昌

白蓮詩 并序

揭傒斯

鄉人李雲紀事母極孝母死廬於墓側墓前稻田  
中忽生白蓮一枝人以為孝感所致進士徐季子  
赴春官為予言且請賦詩

蕭蕭墓門翼翼良苗我母之思匪夕有朝 墓門蕭蕭  
良苗翼翼我母之思匪朝伊夕 良苗如何中有蓮花  
匪生斯生其理則那 濯濯其華其葉翩翩中心悼之  
莫與我言 人之為言維孝之格予曷云然昊天罔極

歌行

梅仙觀

馬子才

豐城縣志

卷二十二

藝文下

十四

漢綱解宏紐國命移權臣太阿有神鋒顛倒柄在人公  
卿雖滿前有語各自吞張禹為帝師此是禍亂根天子  
辟左右決機在一言不為社稷計祇乞兒女恩上方斬  
馬劍當時負朱雲谷永對直言天庭策災氛陰謀助元  
惡歸咎昭陽嬪豺狼自此縱白晝當路蹲先生當是時  
上書叩帝闈耿耿禍福語皎皎星與辰天門鎖九重一  
呼萬夫屯小臣江湖心何能達至尊賊莽果盜國忠烈  
遭烹焚先生變名姓為卒吳市門浮雲去無蹤世人以  
為仙蓬山在何處此事且勿論但愛清風高凜凜久益  
新我來拜遺像舊宅荒基存道士住在真人峯欲往見

之路無蹤去年許我入城市塵埃暗天待不至莫往莫  
來勞我心道書寄我千黃金璽衣肉食慮謀短文字滿  
前看不見口傳指授要有時脫去羅網尚見知梅翁漢  
朝南昌尉手摩龍鱗言世事一朝拂衣去不還身騎白  
麟繫紅鸞我今雖復墮塵土道士何不與我語他年策  
足投名山相逢拍手一披顏

孝子行

并序

查居廣

豐城廖孝子立孫至元十九年鄉寇大作子負母  
冒刃逃及亂靖孝養終身與江革不殊惜無史書  
之者揭翰林題其墓曰有元純孝廖某之墓又爲

豐城縣志

卷二十一

藝文下

十五

作文刻石虞學士書之

豐城昔在至元歲寇賊紛紛亂如鬼是時廖生抱母行  
不死白刃天有情固知至願天必感母子全活見太平  
廖生雖死猶未死往往遺民言此事有如江革遭亂離  
負母潛逃經險阻情詞惻惻賊舍之孝德還堪耀今古  
嗚呼薄俗獠獍同墓上請看純孝子

按通志孝子行係查君居廣作前志誤爲揭文安作  
并其序逸之今訂正

密泉篇

有引

胡學浹

密山有泉佳甚從無稱焉余自丁卯讀書山上始

因題曰密泉賦密泉篇以紀之

密山之巔高插天蒼樹白日繞晴烟江水帶圖披素練  
松風葉隙響朱絃逶迤杳靄深樵路石磴仄出瀉紅泉  
世人嘖嘖惠山傳那知此水直萬錢瓦鐺盛來活火煎  
茗新湯嫩甜中邊我與此泉約爲主午天夜月展新編  
讀罷爐聲沸耳鳴對泉獨酌自嫣然因憶去年醉金山  
脫巾大叫狂欲顛風雨劍舞驚瑤席雲煙筆落染花箋  
金山之泉泉澄鮮素綆萬尺通長川斟來芬芳撲醉面  
山光水色共留連此泉非復金山泉二泉平等莫誰先  
若言甘冽沁雙頰此泉聖兮金山賢山靈欲語無可語  
淹抑不知幾歲年赤日火雲飲渴鹿淩風凍雨下飛鳶  
我今兩掖挾飛仙對君高唱密泉篇莫愁世路無知己  
三尺寒泉空抱憐

大水歌

熊履廷

嗟我豐城大如斗顛吉臨袁水之口春夏交漲勢建瓴  
衝堤裂岸雷聲吼廬舍漂沒陵谷遷屈指安能數某某  
城頭但見鳧鷖宿村中儘教魚龍走捲將禾稼入洪濤  
那計千疇分萬畝滿篝滿車轉盼間終歲之望成烏有  
青黃不接桂玉難泣對波臣徒疾首十八年中四見災  
嗚呼是誰職其咎馮夷一怒頗泰然可知民不堪命否

五律

經豐城劍池

陰鏗

清池自湛淡神劍久遷移無復連星氣空餘似月池夾  
篠澄深淥含風結細漪唯有蓮花鏐猶思匣中雌

送豐城王少府

楊炯

愁結亂如麻長天照落霞離亭隱喬樹溝水浸平沙左  
尉才何屈東關望漸賒行看轉牛斗持此報張華

寶劍詩

崔融

寶劍出昆吾龜龍夾彩珠五精初獻術十戶競論都匣  
氣衝牛斗山形轉輓轡欲知天下貴持此問風胡

豐城縣志

卷二十二

藝文下

十七

復過盛家洲

朱子

欲復問何處行遲稍認門路從幽草入巷與綠楊分市  
靜人初遠言忘意獨存所經得賢俊猶足慰斯文

同温如竹園舟中晚眺

朱子

長江一萬里披豁暮雲空極浦三年夢扁舟二子同離  
離浮遠樹杳杳沒孤鴻若問明朝事西山黯靄中

過豐城作

朱子

渺渺豐城縣回頭憶舊遊晴江羅遠樹宿莽亂中洲寶  
劍今鱗甲神光尚斗牛他年還記得此夜一扁舟

龍霧洲雪

劉辰翁

此處幾人行隔波搖暮晴洲迴江似玦山遠雪如城離  
合看雙櫓荒寒又一程今年梅未醉最覺別來輕

望羅山

陶弼

尋山入羅阜旋結草堂居花露生瓶水松風落架書聞  
猿得句後見月出行初此夕雲林下無因夢使車

清明登曲江亭閣

李夢陽

寒食花猶麗豐江柳處深此行元感慨落日更登臨浩  
蕩五湖際風煙千里陰坐看舟楫急徒切濟川心

豐城夜泊

李夢陽

夏至北風起晚晴涼意增江船逼新月沙色亂疎燈暗

豐城縣志

卷二十二

藝文下

十八

槩故相撥浮陽還自蒸倚檣看劍氣仍見斗間曾

雨泊豐城

李夢陽

古岸花層濕陰江鷗半飛波迴撼船重雨側入簾微潭

愛金華湧亭傷寶氣稀三年二歷此腸斷北舟歸

遊東門白雲寺

羅洪先

清淨東門寺幽閒禪坐宮寒潭波漾月翠竹影搖風野  
草年年綠山花月月紅乘閒登此地不讓海南峯

望羅山

陸應箕

秀嶂分霄半青螺近日邊千巖雲作帶萬壑樹爲煙望  
隔人間世神遊洞裏天遙遙笙吹起鸞鶴引羣仙



登磯上樓同傅敬初分賦

黃汝亨

盡是他鄉客同登磯上樓斗間橫劍氣山下折江流日  
影片帆落雲光半檻收無爲問蝸角勝賞且淹留

寶氣樓燕集

邛士毅

雨歇三春後樓開四望中野航凌浩淼平楚間青蔥飲  
劇浮新玉潭深起暮鐘驚人詩在耳帝座若爲通

遊白雲寺和羅念菴韻

李維喬

東門開淨域城闕秘琳宮花落渾飄雨旛飛却動風鐘  
聲千古寂龕影一燈紅何必遊天竺居然第一峯

藥湖

徐曰德

豐城縣志

卷二十一

藝文下

十九

靈泉鳴玉液窈窕稱仙湖介嶺山仍截石龕水自紆河  
源遡濯錦霞綺明流酥鍊藥何年事驂騮蹟有無

東門白雲寺次羅念菴韻

時同丁伯厚圍棋

胡學浹

踏晴穿曲逕城下法王宮春滿湖湖水花飛樹樹風苔  
深雙屐綠佛暗一燈紅終晝酣棋劫恍疑海上峯

劍池

王舟瑤

舍權遙遵陸悠悠屐屢停池云埋劍處水尚帶龍腥日  
暮山逾碧祠荒草自青千秋奇絕事獨立想精靈

遊蓮湖

卽平港湖

熊儕鶴

豐城古澤國也東南多湖而不以湖名爾餘潦合

滙派瀾涯則時爲湖云爾當其爲湖室盧鳧浮堤  
橋梗斷雷雨乍冥風日倏麗遙青冒山澹煙帶郭  
月湧波流火明岸曲景不一設致有殊觀余同十  
四人泛遊其中顧而樂之曰西子郎官寧是過乎  
未經品題幾令湮沒各賦詩以勸遊庶閱蹤而稱  
勝時戊戌夏五也

留連聊自適感慨更誰陳擊楫塵南土瞻星戀北辰放  
歌緣有客邀月若無人高會良堪舉名區那復湮

遊龍山

省志  
熊字鶴

城居不得意且向曲江灣眺遠舒雙目登高斷宿攀流

豐城縣志

卷二十一

藝文下

二十

年從逝水大業託移山笑倚磯頭石吾心共爾頑

梅仙壇

陸履敬

漢綱嗟解紐肥遯向山阿仙事殊難問諫書遂不磨壇  
餘丹竈冷殿古篆碑訛歎息松陰下斯人不可多

暮春遊海慧寺宿洞明寒碧軒

李予瑋

古寺何年創前朝有勅書雲藏松徑曲風動竹窻虛客  
到神先肅僧閒步自如齋堂方飯熟頭上日當除

二

只似遊方者初來到上方塔留僧骨古燈照佛容莊以  
未刪繁竹因而易夕陽五更鐘磬動幽夢滿禪牀

宿豐城訪徐古皇同年

李紱

江星繁鶴首山驛過龍頭燈火三年夢烟波一夕舟兒  
童已騰踏師友共綢繆好去金臺路家園莫滯留

金花潭

王士禎

傳是瑤華跡江潭獨黯然倉皇浮五馬憔悴掩雙蟬玉  
輦歸松漠金花沒劍川忘機羨鷗鳥不識靖康年

豐城曲江亭

王士禎

磯山高百尺磯下曲江流芳杜蕭蕭暮金花歲歲秋青  
峯相嫵媚白鳥自滄洲已矣干將氣宵分望斗牛

水草園

借唐又程彭小范袁象西  
蔣德章周秉文宿此分賦

張師賢

豐城縣志

卷三十一

藝文下

二十一

修竹干雲淨將詩刻上頭月明初捲幔鐘韻乍辭樓轉  
覺襟懷別渾忘節序適他年如結社始信此山幽

二

清籟夜深聞拈題韻復分雜花籠曲檻遠岫宿層雲衲  
子堪同老儒宗自入羣未能拋擾事谷口憶耕耘

高原

杜名世

曠絕高原寺何如濠濮間風生無靜樹雲出有疑山竹  
色留墻古苔文貼地閒水濱雙燕子試問幾時還

劍池次陰鏗韻

周林德

雙劍歸何處千秋蹟不移空留雲卧樹時見月窺池碧

落倒清影寒魚唼綠漪斗間迷寶氣誰復問雄雌

孤山

夏汝祺

聳翠凌霄漢孤峯欲冠羣縱橫開地軸吐納映星文排闥秋飛爽舒屏暮捲雲芙蓉看秀發佳氣共氤氲

登三角山

劉啟江

崎嶇盤曲路蠟屐謾思來指顧千邨渺嘯歌萬籟開仙

峯低日月

浮邱仙會  
憇此山

樵谷宿風雷蒼翠交橫處猶傳孺

子臺

訪寶氣亭

唐鍾毓

寶氣何年矗一亭空繫之瞰江無剝影鐫石有餘思

謂李

豐城縣志

卷二十二

藝文下

二十二

黃二公碑

指點斜陽渡低徊古驛岐涪翁留絕艷客步費攀

追

過海嵐寺

甘紱

覓徑疑無寺到門始見僧奇峯留客住幽閣耐人登雨

後林逾靜風生水自澄纖塵從不著塵尾共高朋

登香山閣贈無學上人

省志 熊履廷

竹密藏高閣攜筇勝可攀好風黃葉路清磬白雲關水

故當軒落山如列檻環忘機沙上鳥日共老僧閒

過仙姑嶺

山在五坊出東門七十餘里

袁潛

乍至若無山山藏萬木閒偶聞擊磬者始覺有禪關憇

馬長林密開尊古寺  
閒日歸尋青徑夕照帶僧還

五絕

感山寺雜咏 三首

姚勉

舍舟上招提遙入松林間  
透脫塵俗網是名第一關

二

地爐宿松火紙帳橫梅枝  
春蠶撲蔌蔌惟有蒲團知

三

動靜意誰知妙處作塊坐  
高人定不死枕此白雲卧

過豐城訪肇慶守黃瑩之

陳獻章

雨露亦雷霆江南稱老手  
何處訪君家龍光射牛斗

豐城縣志

卷二十二

藝文下

二十三

登仙壇

胡之姓

仙自何年去叢篁抱一壇  
江城天欲曙鶴背玉笙寒

小石山

在藥湖中間

周林德

四十里湖光斯山為之骨  
雲裏磬一聲西竺高人室

七律

寶劍詩

李羣玉

雷煥豐城掘劍池年深事  
遠迹依稀泥沙難掩衝天氣  
風雨終思發匣時夜電尚  
搖波底影秋蓮空吐鏐邊輝  
自從星坼中台後化作雙  
龍去不歸

寶劍詩

陳陶

秦帝南巡厭火精蒼皇埋劍古豐城霸圖繚緝金龍勢  
坤道扶搖紫氣生星斗卧來閒窟穴雌雄飛去變澄泓  
永懷惆悵中宵作不見衝雷發匣聲

梅仙觀留題道士楊智遠

蘇轍

大隱清名格帝閭真人新寵祭王言南昌補吏官雖小  
北極通班道更尊諫疏不容強漢室仙風聊復傲吳門  
我來物色朝元處山遶星壇水遶村

寶劍詩

祖無擇

巧冶何年百鍊金荆鍾芒刃此湮沉氣衝牛斗雖難掩  
鑑遇張雷始見尋恍惚莫窮神物遠波瀾空在曲池深

豐城縣志

卷二十二

藝文下

二十四

鉛刀強也思磨拭悵望西山與華陰

曲江亭

李義山

家住千峯紫氣邊總無餘力買江天偶陪禁苑衣冠集  
還結磯山杖屨緣煙艇垂綸紛可數風帆信棹去無前  
作亭誰助臨觀興只爲鱸魚也自賢

甘露臺

李義山

掃除黃葉上崔嵬講座雖虛尚有臺歲晚喬松典型在  
煙江疊嶂畫圖開不知瑞露從何降應是慈雲爲客來  
須信中邊甜似蜜吟詩未足報瓊瑰

甘露臺

姚勉

講師曾此雨天花臺築山椒幾歲華一蓋雲松擎羽葆  
四盤江水走龍蛇好教絕頂峻層出莫放濃陰蒼蔚遮  
應有醍醐餘味在僧房試覓一杯茶

華嚴院

黃彥平

懶病尋幽意已忘茲辰得與步崇岡一聲啼鳥喚愁醒  
百尺遊絲惹恨長沙際旋供隨意綠雪餘何物返魂香  
江南春色凡如此誰作新詩爲發揚

海覺寺

李昂英

歸舟如箭駕風蒲纜繫村南日已晡着個招提洲十里  
供渠常住木千奴斗牛光怪還疑信龍霧空濛付有無

豐城縣志

卷二十二

藝文下

二十五

試問老僧僧不語禪房靜對佛燈孤

海覺寺次李文溪壁間韻

文天祥

闍黎鐘後訪團蒲江色漫漫晝欲晡一笛梅邊河滿子  
千簑蘆外筆頭奴急風吹雁還家未新雨生濤到海無  
本是白鷗隨浩蕩野田飄泊不爲孤

滎塘煙雨

甘惟寅

一道滎湖帶碧山天風吹雨度雲關樹浮空翠迷邨塢  
泉落飛虹瀉石灣赤嶺豹棲朝氣隱劍潭龍起夜光還  
咿唔何處經年咏菱在湖東喬木間

堯峯西峙

揭傒斯

勢接匡廬地脉長屹然西峙號堯岡畫屏斜映有新月  
螺黛高遮無夕陽寒靄入簾清弄影晴嵐滴草露生香  
故家門第多相向吟對能教世慮忘

劍池夜月

甘惟寅

三更月出敞樓臺邑令清虛府洞開龍劍光依星渚動  
鸞簫聲度海天來臨淵珠樹涵明月出壑冰壺淨素埃  
東晉物華虛匣在昇騰空想躡雲回

梅仙峯

危素

疏諫當年奏漢宮至今名跡徧諸峯經臺半掩三花樹  
丹臼橫遮五粒松近水衣裳清露濕並崖芝木白雲封

豐城縣志

卷二十三

藝文下

二十六

因君更憶非非子杖履登臨得屢從

曲江觀漲咏懷

熊卓

拍岸忽傳春水漲柴門卽傍浪花開帆衝急雨籬前落  
鷗逐奔濤樹裏來已被風光時引眼更多愁病獨登臺  
欲濟何處有舟楫遲日蘋風生野哀

過正法寺

楊子榮

修篁古木劍城東城市禪林一境通繞砌虬龍初奮雨  
滿窻環佩晝鳴風花明貝闕晴雲護香裊金猊紫霧籠  
最喜上人情不倦蒲團盡日坐談空

密嶺晴嵐

涂善



天際峒堯玉作峯四時嵐氣鬱蒙籠光含霧靄晴初散  
色借煙霞晚更濃落日丹崖還有影春風翠壑去無踪  
仙人採藥迷歸路知在雲林第幾重

遊感山寺

李裕

寶刹環垣萬竹修春風匹馬昔曾遊花前酒醒杯仍酌  
石上棋殘局不收僧梵有時來客坐佛燈常夜落漁舟  
最憐甘露亭孤迥夜夜寒蟾薄斗牛

丹霞福地

孫曰良

煌煌寶殿映朝霞路人重林一徑斜羽客消閒聯石鼎  
仙翁却老服丹砂千年古樹巢鳴鶴五夜疎鐘動宿鴉

豐城縣志

卷二十一

藝文下

二十七

幾度清遊多逸興焚香滴酒更煎茶

盛家洲書院

曹壽

一片荒山半畝溪溪頭茅屋更幽棲地偏不許閒人到  
春盡唯聞好鳥啼潤透琴書流水近光生卧榻夕陽西  
于今閉戶千年久解見文光映璧奎

烏石觀

鄔季生

真人煮藥留遺跡道士開基結石壇玉練橫空滄海曙  
金虬嘯月翠虛寒解巾欲掛三華樹鍊質須成九轉丹  
鳴鶴不歸松未老坐聽清磬出林端

遊感山寺

朱篋

我欲餐英學好修故鄉冠蓋此來遊蒼含遠樹春雲靄  
綠泛禪池暮雨收寺古苔封鳴鶴榻江清磯落釣魚舟  
乾坤和氣知多少漢相于今幾問牛

曲江亭

春日同南沙太尹遊此喜高  
苔堦至自李克齋香社寺

范慶

滿眼春光誰得分可堪高士不同羣尋幽共上峯頭閣  
論道全消酒底醺日暖飛花筵裏落山空啼鳥坐中聞  
忽傳鶴使來天上驚起閒鷗送落曛

挽史公安死難交趾

丁鉉

出佐元戎歿叛夷忠良殉國最堪悲白楊萬里難歸骨  
青史千秋肯讓誰宿霧冥冥迷北闕愁雲黯黯暗南陲

豐城縣志

卷二十一

藝文下

二十八

吁嗟里閭招魂處別有傷心是故知

題龔公樓

韓雍

獨上龔公樓上頭眼空四海氣橫秋遙聞笑語驚聞闔  
坐拍吟肩碍斗牛蘆渚兩三聲牧笛柳陰四五箇漁舟  
不因窻外堯峯隔觀遍江南十二洲

豐城阻風

前歲遇難于此  
得北風幸免

王守仁

北風休嘆北船窮此地曾經拜北風勾踐敢忘嘗膽地  
齊威長憶射鈎功橋邊黃石檣先授海上陶朱意頗同  
况是倚門衰白甚歲寒茆屋萬山中

重登黃埠腦

王守仁

一上高原感慨重  
千山落木正無窮  
前途且與停西日  
此地曾經拜北風  
劍氣晚橫秋色淨  
兵聲寒帶暮江雄  
水南多少流亡屋  
尚訴征求杼柚空

堯山

張 鏊

松檜參差石磴斜  
遠公飛錫便成家  
鶴巢上界依仙頂  
龍叩諸天問法華  
故國風煙聊倚杖  
當年翰墨且籠紗  
定鐘何處仍迴首  
明月白雲江上沙

迴瀾閣同陸池山觀濤

涂 鉉

江練斜分水急流  
隔谿飛瀑遶新州  
高人亭倚懸崖立  
逐客船隨返照遊  
登覽也知憐舊燕  
坐忘真可狎輕鷗

豐城縣志

卷二十一

藝文下

二十九

誰言此地無佳景  
洗盡塵寰萬古愁

月夜登曲江亭餞人之京

李 貴

山回江曲水明沙  
澄景秋宵月轉嘉  
石出江蟠龍虎卧  
山空臺傍斗牛斜  
波光隱見迷鷗渚  
樹影參差護客槎  
一笑濤驚神劍躍  
贈君長佩向京華

感山寺和江惟化韻

徐 袞

不事幽尋不到山  
喜隨分外脫塵寰  
石橋路逕栖遲處  
天竺溪流想像間  
景入花香時撲撲  
春催禽語自關關  
晨鐘喚起西堂坐  
又聽聲聲雁北還

冬日遊感山

雷 暎

晴冬結伴入招提水曲山廻路欲迷古檜婆娑臨玉砌  
陰羅繚繞護璇題談經幾見天花墜覽勝渾忘夕照低  
自媿風塵徒擾擾無緣飛錫寄禪棲

登曲江亭同劉兌陽

李啟美

興來艤艇暫盤桓陟磴捫蘿上翠巒浴日江濤天際落  
傍人山色雨餘看亭臯話別秋雲杳斗下銜盃劍氣寒  
拚取劉伶今夜醉止堪白也共投歡

過始豐山觀劉海蟾真跡

陸應箕

仙子當年去不還空留仙篆白雲間晴煙縹緲燒丹灶  
古木蕭蕭採藥山自覺龍蛇騰石壁可能鸞鶴駐塵寰  
請看昔日揮毫處直至于今色尚殷

遊感山

湯兆京

爲愛招提深積翠已公雙屐怡情歡閒心偶與風旛會  
野性翻從麋鹿看鐘向夕陽樵唱合香于竹裏梵音寒  
無端簿領相縈迫踏月歸來意未闌

劍池

邛士毅

龍劍成龍龍已飛龍池故跡尚依稀一朝變幻終能合  
千載精靈底不歸月印蒼波涵古色霞縹紫氣辨餘輝  
張雷祠下殘碑在讀罷風雲擁客衣

遊曲江從盧使君夫子

楊惟休

榭回憲節遠開牙露冕還紆問俗車旆擁星文臨閣道  
筆懸春彩映江花飛濤夜撼雙龍折曲檻光吞九鳳斜  
緩帶趨陪清嘯晚千山落日起明霞

紫府觀

陸元衡

石澗流沙九派分蕭蕭木葉萬山羣谿源不碍秦時路  
雞犬猶攜晉代雲但訪仙蹤游倏忽無關人境轉紛紜  
杖藜散步藤蘿外似有簫聲嶺畔聞

龍山秋望

文可紀

年來幾棹逸登臨乘勝還憑幽杖尋繚繞江光廻古岸  
澹澄秋氣擁高岑檣飛浪鼓虬生吼蘆隱汀歌雁掠陰

豐城縣志

卷二十一

藝文下

三十一

指顧風煙堪極目摩挲遺碣昔賢心

瀚樓新成陪宗明府登覽

黃叔鉉

傑棟崇臺枕上流一城磬鼓睠同遊南臨梅尉餐霞嶺  
北擁文山捧日樓共沐澄清章水月無勞籌畫稽人秋  
凭高直與雲霄近漠漠煙波萬頃舟

密嶺

杜曰讓

瓊花琪樹遍仙宮襟帶河流瞰遠空萬壑密雲藏澗髓  
一天霖雨散松風穿窻幽鳥啼無盡出峽山泉聽不窮  
長日飈車無近遠我生南北又西東

竹林菴次韻

黃炳名

花宮梵響曲城邊忽漫相逢憇柳煙大歷詩人皆似玉  
已公茅屋恰如船午風籬落雜紅碎夕照峯巒空翠鮮  
不用典衣添客醉青蓮香甕湧春泉

讀鄧武橋先生橫戈集

熊履廷

能兵亦復羨能文一驥真空萬馬羣宇宙此生惟賭命  
朝廷多忌不書勲戰餘酒醉營前月吟就戈橫海上雲  
洞滅麻陽芳草在至今尚識鄧將軍

桃花巖

熊履廷

木脫山空一徑微緣崖爽氣襲人衣泉聲冷向巖前落  
鳥影低從地上飛片石留奇蟠佛座千峯積翠抱禪扉

豐城縣志

卷二十一

藝文下

三十二

與僧共話踈林久指點閒雲暝欲歸

遊龍山并至感山寺

袁孔邇

倚櫂秋江江欲寒逃名何必把綸竿砥波一柱峙今古  
印月三潭定激湍結社尋僧禪室寂放眸踏閣客懷寬  
感山寺在磯山下笑指碧雲紅樹端  
咫尺名區放誕遊梵音松籟雜賡酬茶烹靜域叅三字  
酒醉羣公破四愁段段烟村依曲水聲聲鴻雁逼江樓  
舟回頃刻飛天鏡更擬同披落帽秋

登曲江文昌閣

丁序珙

危樓百尺瞰飛流乘興登臨最上頭水似蘭亭千古曲

山開桂苑五雲浮半江帆影樽前落萬壑松濤枕畔收  
極目不勝懷古意三賢仰止思悠悠

和吳邑侯遊感山

丁霈

曲江蘭若舄飛遙白水青山喜再邀無數鬱林供石載  
幾行騎竹看雲招閒情徒倚追王烈遺化吹噓話鄭樵  
三昧戲遊仍作賦揮毫月夕并晴朝

過感山寺

盛逢瀾

屐齒苔痕過感山漫勞布席歎衰顏古今兩鬢韶華易  
天地一樽逆旅閒適意寧辭江月上無心恰伴暮雲還  
勝遊此後應須繼回首林巒興不刪

豐城縣志

卷二十三

藝文下

三十三

和黃質昭遊楮山

游方震

躋攀轉仄石嶙峋暢好山家小有春崑洞不逢栽樹客  
荒臺空弔讀書人數聲雁送霜前信一路雲窺物外身  
忽地舉頭天尺五直收瑣屑入渾淪

春日過瓘山訪熊效先州丞壽先文學遊斗門福地

旋憇于綠野別墅卽景漫賦

游方震

不言桃李繞溪鮮舊識門籬抱一川春草漸生池館色  
好風猶解主賓憐迂遲蔣徑堪逃世笑倚南樓欲問天  
林壑都從圖畫出却疑身載米家船

送家馭麟叔掌教龍山書院

甘興仁

由來聲價重南金馬帳風流直到今賢宰延爲多士範  
名師素協邑人心龍山講幄開澄霽劍水文波奏好音  
從此春和桃李遍却將化雨付謳吟

秋過感山

借周秉文李采衡  
赴本緣上人約

徐文弼

野館秋風寂杜門偶陪杖履歷隄根紅添江樹留霜跡  
白滿洲沙帶水痕嘹唳雁聲寒到浦悠揚漁唱近臨村  
尋山每有豪吟興一路詩情共細論

黃葉蕭蕭古寺秋松陰虎卧記重遊金沙池上懸屐迹  
花雨臺前點石頭水月僧閒修竹院烟霞人語夕陽樓  
木樨歸帶香風遠十里澄江逐暮鷗

豐城縣志

卷二十一

藝文下

三十四

龍頭山登高

朱霞

湖山萬里拓心胸振策危磯第一峯章貢北來憑砥柱  
庾匡南向擁芙蓉縣城滿眼開圖畫潭水驚秋起蟄龍  
我到竒巔欲飛去古懷離思意重重

遊正悟寺題壁

楊其謨

萬綠叢中不見花老僧高卧脫袈裟曲江流水頻消長  
遠浦風颿幾墜斜客履有時來梵宇佛燈長夜照漁家  
登樓一望豐城縣牛斗依稀尚物華

七絕

羅山徵君隱居

曹鄴



掃葉煎茶摘葉書心閒無夢夜窻虛只因光武恩波晚  
豈是嚴君戀釣魚

梅仙觀

孟賓于

仙界路遙雲縹緲古壇風冷葉蕭騷後來豈合言淹滯  
一尉昇騰道最高

梅仙壇

吳大防

封事悠悠卽掛冠蒼烟古木鎖空壇當時不識蓬萊客  
祇作南昌一尉看

梅先生故居

黃庭堅

吳門不作南昌尉上疏歸來朝市空笑拂岩花問塵土

豐城縣志

卷二十三

藝文下

三十五

故人子是國師公

過豐城

楊時

清江渺渺綠浮天博物無人繼昔賢應有斗間靈氣在  
誰能更與鬪龍泉

廣慈院

汪藻

春風何事獨多情伴我江山萬里行我爲忘機身到此  
沙鷗相見不須驚

寶氣亭

胡銓

俗塵不逐江流靜酒力都從雪壓消斗下只今無劍氣  
年來牛犢在人腰

訪盛温如至盛家洲

朱子

昔年聞說盛家洲今日從容過此遊  
萬頃波光涵宇宙數椽茅屋老春秋

經赤岡望遠山

朱子

曉起清江弄小舟晚風吹過赤岡頭  
遠峯自作修眉斂萬里那知客子愁

次林擇之韻

朱子

萬里煙波一葉舟三年已是兩經遊  
今朝又過豐城縣依舊長江直北流

盛家洲四景

盛燧

豐城縣志

卷二十三

藝文下

三十六

堤邊楊柳鳥聲啼花醉春風分外奇  
一段清香隨物好無邊光景滿庭闈

湖上闌干百尺臺臺邊水殿倚雲開  
虹橋人隔荷花語玉碗冰盤進雪來

蒼松翠竹映斜暉野菊花開過客稀  
葉底黃蟲作寒蕊雨餘蛛蝶滿園飛

梅花樹下三間屋掛壁孤桐盡日閒  
有客過門彈一曲暮雲殘雪滿空山

清都觀

于革

石壇雨洗月華新白恰青藤曳履行  
老檜不知仙馭遠

屋頭猶帶玉簫聲

感山寺探雪樵詩僧不遇入旃檀寮見几上有江南  
春詩詢之爲真半顛雖未識面亦合寄以詩

姚勉

欲聽茶鼎轉松風何事雲房白晝封應在山中採樵去  
雲深何處問行蹤

讀君霜葦疎籬句知得猶存用世心拄杖借將來解虎  
不須豎臥白雲深

白鶴觀

白玉蟾

藥珠殿裏誦黃庭誦罷黃庭月正明腰佩青蛇三尺劍

豐城縣志

卷二十二

藝文下

三十七

一聲鏡透鬼神驚

詩書閣

范仲武

面面山光接水光落花暗度硯屏香當軒飛白雲拖練  
對酒長吟月在觴

梅仙壇

况志寧

上疏歸來事可歎嶺頭誰爲築星壇先生不食炎劉祿  
自拾松花當晚餐

過豐城

傅若金

石泉灩灩照晴暉山崦茸茸帶夕霏憶得年時松下路  
兒童相逐采樵歸

隔溪篁竹似吾廬竹裏人家夜讀書一去故園如昨日  
春來頻夢帶經鋤

烏石觀

強立

道人夜誦大洞經露冷平池雙龍聽經罷龍歸窻月落  
寒風瑟瑟吹松扃

城南書屋

胡儼

謝病歸來上草堂城南亭館枕荷塘莫言性僻耽幽隱  
自古豐城卽豫章

金鄆朝陽

孫曰恭

旭日初升百物華雲林開處見人家茅齋有客無營繫

豐城縣志

卷三十三

藝文下

三十八

自起籬邊看菊花

過豐城

劉同升

細雨順風檣亦斜岸移百丈過江沙水邊一樹垂垂白  
春晚棠梨尚著花

泊龍頭山

史垂譽

閒步江村踏淺沙疎籬茅店野人家春風依舊生青草  
指點斜陽數暮鴉

楂村望趨山

史萬育

幽崖疊疊幾多重松樹枝頭有路通樵擔入雲穿石壁  
不知何處覓仙踪

鳳山口占

熊履廷

飯後尋涼到鳳山  
荒巖古木老藤蟠  
石頭爲枕苔爲席  
卧聽松風十里灘

題始豐山仙林觀

徐紹文

江右名山題玉蟾  
到今石壁字依然  
雲根古跡苔封厚  
鶴老松鱗洞裏仙

崖幽嶂峭日無紅  
未識文吳何路通  
樵子穿雲彌掛樹  
葉遮藥臼拂仙風

幾種巖花繡殿前  
春歸雪點色尤妍  
林深鹿過聲聲細  
丹井香流莫問年

始豐山和句

丁猷駿

好句曾留白鶴觀  
仙風又度始豐山  
赤文綠字雲封久  
劍跡依稀石壁間

老去年來欲駐顏  
仙林有路隔重山  
綵鸞寫韻歸南浦  
雲白山青自往還

福地曾名七十二  
紅塵未許到巖泉  
先生往與烟霞近  
偏惹詩人入洞天

初秋遊飛旆山登樓遠眺

熊浩

山以旆得名名嘉非虛附  
父老遞相傳物是武當故  
夜半飛來詫有神呵護  
草昧厥梵宮真武像巖  
塑廟貌今

巍我旆飛歸何處往事多悠悠茲山愜予懷願言陟其  
巔不憚崎嶇步好風天際吹林端抽宿霧側聞松籟鳴  
晴作江濤怒萬綠垂濃陰蘚苔繡古路到門老僧迎邀  
之人淨住層樓坐生寒秋意滿蕭寺開牕四望通孤羅  
寸青具江漢浮乾坤吳楚界堪數憑眺獨驚心曠然起  
遐慕

泰氣嶺

歐陽勲

泰岱半天青劍氣千年紫奢望苦迢迢尋幽道在邇桑  
柘十畝間雲峯自喂蟲中有仙人泉可爲活命水又有  
若木枝直與杏林似

嶺有仙泉樹  
枝可療百病

結寺山之巔葱龍雲

豐城縣志

卷二十一

藝文下

四十一

樹裡幾年燈火緣夜窓紅透紙雲氣日網縕如助鰲峯  
子部曹能春舉未遇  
時嘗假館於此安得張與雷重搆雙龍起十雲登  
岱宗衆山一粟耳泰氣雖崑嶷佳名聊爾爾

